



KOMUNIKADO PA PRENSA

<i>Fecha</i>	<i>Account Manager</i>	<i>Email</i>	<i>Nr.</i>
2 oktober 2013	Jhanirha Anita	jhanirha.anita@gobiernu.cw	

KOMO PARTI DI E MEGA-PROYEKTO INHAALSLAG LO BAI TENE UN PROEFVAK RIBA E KAMINDA DELANNOY WILLEMS BOULEVARD DJABIÈRNÈ DIA 4 DI OKTOBER 2013

Willemstad – Servisio pa Obra Públiko (OW), den koperashon ku Curaçaose Wegenbouw Maatschappij (CWM) i MNO VERVAT, ta informá komunidat ku djabièrnè 4 di oktober binidero ta bai kuminsá ku un asina yama ‘proefvak’ riba e kaminda Delannoy Willems Boulevard na altura di krusada Nijlweg/Frater Radulphusweg.

E ‘proefvak’ ta un tèst pa investiga si e asfalt ku lo wordu huza riba Julianabrug proximamente, pa renobashon di e brug, ta kumpli ku eksigenshanan di Servisio pa Obra Públiko. E trabounan ta kuminsá 9or di mainta i terminá prome ku 12or di merdia. E kaya lo no wordu sera kompletamente pa tráfiko, lo sera un banda so.

Den kuadro di e trabounan aki, Servisio pa Obra Públiko ta traha huntu ku Departamentu di Tráfiko di Kuerpo Polisial di Kòrsou pa desvia e tráfiko. Usuarionan di e kaminda Delannoy Willems Boulevard por hasi uso di e kaya manera e bòrchinan ta indika.

E trabounan aki ta djis unu mas di e hopi proyektonan ku ta forma parti di e mega-proyekto Inhaalslag di Minister Earl Balborda di Ministerio di Tráfiko, Transporte i Planifikashon Urbano.

Minister Balborda ta gradisí tur habitante i usuario di e karetera aki adelanta pa nan kompreshon i koperashon durante ehekushon di e trabounan aki. Esakinan sigur ta na benefisio di primariamente e habitantenan, usuarionan i pueblo di Kòrsou en general.

Pueblo di Kòrsou por sigui tur último desaroyonan di Minister Balborda di Tráfiko, Transporte i Planifikashon Urbano via di su página di Facebook ‘Earl W. Balborda, Minister VVRP’.